

Мирослав СИЛАДІ

Фебраур – мешац балох

Уж вельо роки назад на просторах бывшей Югославії існує традиция отримованя балох. То причина же би ше на єдним месце позберали шицки людзе хтори любя музику, танец, зашпивац, розвешеліц ше а чом не и указац свою нову толаету.

Тих дньох отримани даскельо бали у наших местох: Вербаше, Коцуре, Дюрдьове. Организоване тих стретнуцох гледа вельо работи шицких цо уключени а то углавним члени дружтвох. Госцом на балох пририхтує ше и програма у хторей Културно Просвітни Дружтва указую часточку своєї роботи, шпиванки и танци. То нагода же би млади члени тиж указали цо знаю и цо научели. Спонзоре ту барз важни бо ше так назбераю и даяки материялни средтва хтори ше хасную у дальшей работи КП Дружтвох хтори углавним и организаторе. Порядне ше організую и томболи, так же велі пойду дому щешліви же ше крашнє натанцовали, нашпивали а дацо ноша и дому. То не вельки награди але маю вельке симболицке значене. Того року тоти три бали отримани истого дня а буду організовані ище даскельо. Велі з нас цо любиме такі стретнуца пойду ище дагдзе, ище на даєден бал.

Може ше повесц же у веліх наших местох дзе жию руснаци тота традиция ма барз вельке значене за отримоване націоналней свідомости. Не лехко то буц припаднік націоналней меншини. Велі причини впливаю на процес асиміляції. Тот процес асиміляції, голєм я так думам, у Войводини не результат даякей зрахованей державней политики але недостаточней самосвідомости даєдних руснакох. Познам даскелі фамелії у хторих ше бешедує по сербски гоч шицки члени обисца руснаци. Вони ше вигваряю же то пре дзеци же би немали проблеми у комуникації зоз векшинским народом.

У шицких местох дзе жию руснаци єст даяке културно уметніцке дружтво хторе ма за ціль зазберовац руснакох и пома-

гац у очуванню національного ідентитету. Тоти дружтва часто домашні рижним госцом на трибинох и места дзе ше організую, на приклад, виводзеня монодрамох наших авторох. Тих дньох у Коцуре и Кули була приказана монодрама за младих «Ясна» у виводзеню Александри Лендер, школярки гимназії у Вербаше.

Так то у фебруару а велї події ше буду случовац и надалей але о тим познейше.